anhan und uf dem linken arme sol die jungfrauwe stene und den esell zeymen und uf dem rechten sol ein jungfrauwe sten und den esell bremessene und der rock sal mit blaen blumen bestrauwet sin."

Diese Röcke mussten, wie bereits oben gesagt, bei allen Gesellschaftszusammenkünften getragen werden, doch wurde be-

züglich der Trauer eines Einzelnen (1408) festgesetzt:

"Stürbe eyme sin vatter, muter oder anderer mage, darumb er swartz oder grae tragenn wulde, drigt der an dem 1rsten jare daru ber mehr farbe dann swartze oder grae und er dass uf denn eyt geruget wurt, der sal der gesellschaft

rock auch han und tragen."

B) Als Vergleichungspunkt für die Fortentwicklung der Turniergesellschaften im 15. Jahrhundert, und insbesondere des in der spätern Zeit schr viel bedeutenderen Einflusses des hohen Adels in denselben, folgt sodann hier der Abdruck einer (ebenfalls im Darmstädter Archiv befindlichen, alten, jedoch mit Ausnahme einiger Wasserflecken wohlerhaltenen) Copie des Gesellenbriefs vom gekrönten Steinbock. Diese Gesellschaft scheint im Januar 1480 reorganisirt worden zu sein und feierte dann im August zu Mainz das Turnier, dessen Voranschlag nebst Verbrauchzettel aus dem Original, als weitere kulturhistorische Curiosität, dem Gesellenbrief angehängt ist.

Eines weitern Commentars bedürfen diese Urkunden nach dem Obigen nicht, nur wird besonders auf die Stellung des Herzogs von Berg zu dieser Gesellschaft im Verhältniss zu derjenigen des zuerst in die Eselgesellschaft eingetretenen Grafen (siehe oben Note 18) aufmerksam gemacht und zum Schluss bemerkt, dass Rüxner auf Blatt 193, 213 ff. Notizen über den späteren

Bestand der Gesellschaft vom Steinbock bringt.

## Gesellenbrief

## der Turniergesellischaft zum gekrönten Steinbock (1480). 21)

Wir die gesellenn vonn den gekrönten Steinbocken, die itzundt sint . . . . werden mogenn, gelobenn ine diesem offen

<sup>21)</sup> Nach Datt de pace publica imperii lib. 1, cap. VII, Nr. 31, pag. 51, (Ulm 1698), scheint diese Urkunde in der (dem Ritter C. Lerch von

rurent, hette oder gewonne, das solle er fürkommen vor unseren konge und wene der von sechss uss der gesellschafft zu ime nympt, die unpartheiisch sint, und vor ime erene und rechts-pflegenn, soferre das gutlich vertragen mag werden, daby solle es blyben unnd an kheyne ander ende gezogen werden. Auch gelobenn wir eynest ime jare zu Cappittell zu kommen gein Mentze, solange biss der konge und myn herre von Berg die Malstatt ändern, doch also das solich Cappittell nit über Mentze oder under wendig Andernach gelacht solle werden. Und welcher unnder unsern gesellen jars uf den benannten tag zu Cappittell nit kome, der solle unss schicken inn das Cappittell sinne uffen versiegelten briff oder gewissen bottenn und solle schrybenn inn solichen sinen briff uff synnen eydt, was noidt ime das beneme, oder der botte solle das uff sinen eydt nemen, der ine verantwortt. Unnd solle unsser gnediger herre vonn Bergem gewen 18 guldenn, ein grave 6 gulden, ein fryher 4 gulden und der ander rittern und gesellen eyner 2 gulden, der also zu cappittell ussblibenn. Welcher des nit dett, es sy fürste, grave, fryherrn oder ander edelgesellen, der were unns schuldig, noch alss viele gelts, alss vorgeschrieben steet. Unnd moge unser konge das zwiemeltig gelt unnder jeddem uf schadene ussnehmen, und dasselbig gelt und schade daruf gangen were sollent dieselbenn, so ussblibenn, ablegen inn dem nechsten Cappittell darnach. Welicher das nit dett, der ensolt unser geselle nit mehe sin und soll in kheyn ander

Dirmstein zugeschriebenen) Flugschrift: Politische Frag- und Antwort, ob des h. Reichs freier unmittelbarer ritterlicher Adel ein Stand des h. römischen Reichs sei? abgedruckt zu sein. Jedenfalls ist dieser Abdruck jetzt selten und darum die Erneuerung gerechtfertigt.

Thornergesellschaft mehe komme, als lange unser gesellschaft wert. Und der kufet uf sich das unser gesellen mogenn und im sagen, das er truweloss und meyneydig sey, alss lange das er unsern konge das obgen. hauptgelt unnd schadenn abgelegt. Weres aber sache, das unser gesellenn eyner oder meher usserlande were, oder in lybs noit were, der oder die sollen kein gelt in das Cappittell gewen. Auch wurde unser gesellen eyner an sin ere geschuldigt, wilcher das under unsern eynem . . . ., das solle er getruwelichen verantworten nach sinem besten vermogen . . . und demselben geschuldigte das verkunden. Verantwordt er dann das nit, so solle er further nit mehr inn unser geselschaft sin, wie obgeschrieben steet. - Auch solle eynn iglicher, der inn unser gesellschaft ist, oder hiernach kommen wurt, ein Halssbandt machenn von gewicht und forme, alss dan das die gesellen vertragen haben, ussgeschiedene Fürsten, Graven und Fryherrn, die mogenn das bessern nach irem gefallen, doch also dass solich Halsbandt alle vonn eym stabell und forme sin sollen, mit namen: sollen der Edelnn Halsbandt habenn und haltenn 11/2 marg silbers und darüber nit, jedoch das der anhangende Steinbock, der an dem Halssbandt henket, zwey loide halte und das Steinbocklin, so man teglichs tragen wurt, sol haltenn 11/2 loidt, doch das die krone ane allen Steinbocken überguldt sin soll, dem Eedelnn als dem Ritter. - Unnd soliche Halssbandt solle ein iglicher verbunden sin zu tragen, so er zu evm thorner oder Cappittell ist. welcher das nit tedt, so sollte ein Hertzog vonn Berge gewen 6 gulden, ein Grave 4 gulden, der Fryhe 3 gulden, ein Ritter 2 gulden und ein Edelmann 1 gulden. - Es sol auch ein iglicher, der inn unserer geselschaft ist oder komen wurt, ein übergulten ader silbern Steinbocke teglichs an eyner cappenn oder an eym hude noch siner gebore von anderthalb loitte tragenn, unnergriffen Fürsten, Graven und Fryherrn mogen den Bocke bessern nach irem gefallenn, innmassen obgemelt ist unnd wilcher under uns gesellen sin bock teglichs nit treydt unnd von unser eynem inn der gesellschaft gerugt wort unnd so dicke er des vorbraucht wurt, soll er zu dem nechsten kunftigen Cappittell zwene weisspfennige gewen. Wir solln und wolln auch kheinen in unser gesellschaft ufnemen, er sy dann

gudt wapens und thornersgenoss und nit mit bürgerschaft vermengt, unnd soliche ufnemunge solle vor unserm Cappittell gescheenn und obe es zwene unser gesellen oder mehr widdersprechen, . . . dann unser konge und der merer-teyle vonn unser geselschaft . . . sint, darinn riddelich beducht, daby soll es blibenn. — Item sollen . . . wir zu Cappittell kommen, ye zu zweyen jarenn ein nuwen konge zu kiesen, und wene wir darzu welenn, der solle das thun unnd nit weigern. — Auch ist beredt, welche under unsern gesellen evne oder mehr abginge von todeswegenn, da got lange vor sey, die sollen wir begeen zu dem nechsten cappittele in dem Closter Augustinerordens zu Meintze, alss das von alter herkommen ist. Ist auch beredt, ob eyner under uns uss der geselschaft fordert und ist derselbe dan etwas unser gesel-schaft schultig, der soll vor bezalunge und ussrichtunge thun, unnd obe eyner thorner von uns Bockgesellschaft angeschlagen were oder ime ein Danck wurde, so solte derselbe inn solicher ge-sellschaft bliben und nyt drauss kommen, solicher thorner hette dann sin ende und ussrachtung gethane nach sin anzale am thorner und der geselschaft halb was ime das gebort und so er daruss queme inn kheine ander thornergesellschaft kommen. — Auch ist beredt, wann wir inn unserm cappittel zu rade werden, ein Thorner zu haben, so sollen die obgen. Fürsten, Graven, Herrn und Ritterschaft inn unsre geselschaft sin ire zale frauwen füren. Zum ersten furen unser gnediger Herre vonn Berge 18 frauwen, ein grave 6 frauwen, ein Fryherr 4 frauwen, ein ritter 2 frauwen und 1 edelknecht 1 frauwe. Soliche frauwen und jungfrauwen solle sin gudt wapens und thornessgenoisse, darzu manbar sin, und welcher das sümig würde und nit brecht, der soll vor iglich frauwe oder jungfrauwe 10 gulden geben. Weres aber, das unser gesellenn eyme oder mer sin hussfrauwe riddelicher ursache halp, also obe sie leydig und onegeschickt were, nit brengenn maht, derselbe solt dem sin wyp also ungeschickt were dem konge ein zitlangk zuvor zuwissen thun, sich habenn uff den thorner darnach zu richtenn und soll der auch, an sin es wybs stait, ein ander frauwe oder jungfrauwen in vorgeschriebener waisse an seiner frauwen staidt bringen. Obe solichs nit geschen,

so solt derselbe sich mit glauben entschuldigen und 10 gulden dem konige schicken, weres aber sache, das eyner oder mehr inn unser geselschaft usserlandt und by solichem raitschlage des thorners nit gewest were oder lyps noidt ime das beneme, das er bezugenn solle wie obsteet, der soll nit schuldig sin, frauwen zu furen oder gelt darfür zugewen. Unnd wan unsser gesellenn zu eim Thorner kommen, so soll eyn iglicher der in unserer geselschaft und da ist, seine Schauwe-helm zu des koniges helme tragenn und ein iglicher soll an solichem sinem schauwehelme fornen an dem Halss under dem gesiecht ein roidt schybe habenn, darinn gemalt sy ein gulden oder silbernen Steinbocke unnd solle unssers gnedigen Herrn von Berge helme obenan steen, darnach der konige, darnach graven, herren und ritterschaft igliches sin Helme setzenn, nach sinen rait unnd gebore, unnd mit solicher ordnunge zum teyle tragen. - Auch ist beredt, das unser gned herre von Berge, auch ander graven und herrn, ir banner zu iren herbergen by ire Helme uf-steckenn mogen und darnach mit solicher ordnunge zum teyle unnd widder von dannen tragen, sie mogenn auch, so sie zum thorner rytenn, ir banner biss an die schrancken furen lassen. alssdann soll further kheyn banner hereyn gefurth werden ussgescheiden unssers gn: herrn zum Berge bannner, das soll mit der geselsschaft banner an eyn stange gemacht und hyneyn gefurt werden. Sie sollenn samenthäft warten uf die nemer, die von der geselschafft unnd dem konige gekorenn werdent, und welche zu nemern gekoren werdent, die sollen sich des nit weygeren, und des gehorsam sin. Und inn welchem thorner unser gnediger Herre von Berge nit ist, so soll dann allein unsser gesellschafft banner gefuret werden inn obgeschriebener waisse und solle eyn iglicher grave und herre sin banner laissenn halten vor den schrancken, biss man ufgedrommpt und die schrancken ufgedudt, alssdan moge ein iglicher herr und grave sin banner widder zu ime nemen. - Auch sollen alle, die inn der Bockgeselschafft sint und zu eym thorner kommen, roidt sydene Bynnen über die blatten inn Hornfesselsweise furen, daran forne und hinden ein guldener oder silberne Steinbocke gemalte sy nach iglichs rait und gebore, welcher das nit dette, der soll dem konige 1 gulden gewen. Und alssdann sollen

die gesellenn getruwelichen uf einander warten und ye eyner den andern beschuddenn, in der maiss auch kheiner . . . anden andern beschuddenn, in der mass auch kneiner . . . andern ein thorner ansahenn one wissen und willen des koniges unsserer gesellschafft und wess roiss vonn den gesellen gewonnen worden . . . und fallet, soll er dem konige antworten. Weres sach das der konige und . . . gesellschaft sich eins thorners vereynnen oder der gesellen eym ein . . . wurde unnd die meynunge wurde den thorner zu volnbringen, alssdan sollen die andern, die inn der geselschaft sint, darzu hulff und bystandt thonn nach iglichs rait und gebore, und der mynnerteyle das nit macht haben zu wendenn. Auch obe einiche Fürste, grave, herren, rittern und edelknecht umb eyn enthalte bede, solichs solle der konige unser gesellschaft solichen enthalte nit macht habenn zu zusagenn, sonder der gesellen zu ime . . . soviele er zu ime haben moge, was dan als vonn menerteyle zugelassen wurt, dem solle nachfolge gescheen, und obe eynicher herre darunder were, soll mit sym banner gehalten werden inn obgeschriebner waisse. Auch ist in sunderheit beredt, wann ein thorner gemacht, vollenbracht und geendt ist, solle keiner inn unsser gesellschaft von solicher mailstait wandelen, er habe dan zuvor usrachtung unnd bezalung gethane dem konige und wer mit ime darzu geordent ist, was ime nach anzale geborte und das zu solichem thorner ufgangen ist. - Auch welcher nit zu dem thorner were und sich des mit glaubenn entschultiget hette und doch inn unser gesellschaft were, derselbe solle ein knecht daselbst habenn und ussrachtung durch den knecht thun, was ime nach anzale geborte, wie vorgeschrieben steet und wan das nit geschee, so solle der konige die pene gegen ime macht haben, wie obgeschrieben steet und uf schadenn ussnemen. Auch ist beredt und versprochen mit pflicht dieser vorschribunge, was ein konige unsser geselschaft gerugt und vorbracht wurde und was gelts ime vonn der geselschaft we-genn über antwort wurt, durch was bruche, gewynne oder ussnemunge uf schaden, wie das ein iglicher artikell clerlich innhelt, solichs soll ein konig, was er innympt und ussgibt, der ge-sellschaft rechnunge darumb thun zu dem nechsten Cappittell, und obe yemanndt darann schuldig oder sumig wurde, auch der straff eynes iglichen artikels ungehorsam wurdet und eym konig

noch lute der verschribunge geborte nahzukommen . . . . durch eym konige unwill, cost und schade ensteenn maht, solichs sollen . . gesellschaft, demjhenen von der geselschaft wegen schaden widderfure, schadlos haltenn.

Item ist auch beredt, wo der könig zu eym thorner nit were, wen dan der merer teyl vonn unser geselschaft da sin. zu eynem nemer kiesent, der soll das thun und nit weigeren. Auch wo einche zu eim thorner sint, wie wienig der ist und ob der woll nit mee dan eyner were, die oder der sollen doch unser Steinbockbanner inn dem thorner haben. Auch ist abgeredt, wan hienfure eyne oder mehe inn unser geselschaft begerdt, das derselbige zuvor jeman ime den geselschaftbrieff verliess, globenn solle alles das zu halten, so die verschribunge der geselschaft innhelt und auch inn raitswise schuldig sin by der vorgemelten gelubde alles das zu verswigen, was vonn den gesellenn zu Cappittell gehandelt wurt den thorner oder anders antreffent und darnach soll er sin eigenn inngesigell auch an diesen brieff hencken. Alle und igliche vor und nachgeschriebene stucke, punkten und artickell samentlich und idden besonders globen wir die gesellen von den Steinbockenn, die itzunt sint oder hernach werden mogenn, inn guten truwen an Eytsstait ware, vest, stette und unverbrochliches zu halten, darwidder nit zu thun, noch zu sin inn kheinn wise, one alle geverde, der geben ist nach der geburt unsers hern Jhesu Cristy tusent vierhundert und achtzig jare uf montag nach dem helligen jarstage.

Nota diese hernachgeschriebene haben versiegelt:

Item myn herre von Berge.

" Gerhart grave zu Nassauwe.

" Johann grave zu Nassauwe und zu Sarbrucken.

" Phillips grave zu Waldeckin.

- " Johann grave zu Nassauwe und zu Dietze.
- " Johann grave zu Nassauwe und zu Etsteynn.

" Grave Otte vonn Solms.

" Herr Henrich grave zu Nassauwe und herr zu Bylstein.

, Phillips grave zu Nassawe und Sarbr.

" Johann grave zu Solms.

" Adolf grave zu Nassauwe und Etstein.

Phillips junggraffe zu Nassauwe u. E.

Item Sebastiann junggrave zu Seyne.

Nicolaus, junggrave zu Deckelnburg.

myn jungherr von Westerburg.

Phillips von Eppstein, Herr zu Könnigstein.

Schenck hans vonn Erpach.

Henrich herr zu Reychenstein.

Her Hans von Kronberg, Ritter, konig.

Johann v. Nesselrode, Herre zum Steine. Johann v. Nesselrode, Herr zu Balsterkamp.

Herr Bertram v. Nesselrode, Ritter, Marschalk.

Johann Griffenclae.

Bechtolt vonn Blettinberg.

Wilhelm v. Nesselrots Sone zum Stein.

Her Wilhelm von Brunssberg, Ritter.

Phillips von Wolffskeln.

Herr Johann von Eller.

Rabolt von Blettinberg.

Her Wilhelm von Bernssawe.

Phillips vonn Hoensteinn.

Her Paulus Loner von Breytpach.

Conrait vonn der Horst.

Herr Johann von Schönbornn

Hans Marschalck von Waldeck

Her Friedrich von Moderspach, Ritter.

Diesse obgeschrieben hangenn alle und en an dem Brieffe. -Diesse hernachgeschrieben hangen alle oben an dem Brieffe: Item: Salatin von Myntzingen.

Conraidt von Beckenn.

Phillips von Beckenn.

Eberhart von Wart

Phillips Rode.

Johann von Cronberg.

Balthasar von Mel, den man nennt von Debliche.

Diether Eych vonn Hall.

Phillips von Horde.

Diether Eych von Schoffell.

Herman vonn Heygeren.

Fry vonn Derne.

Item Johann von Breytbach.

- " Herr Emmerich von Riffenberg, Ritter.
- " Bernhart vonn Dalheym.
  " Johann Brevtenbach.
- , Hermann Stenek
- " Friederich vom Stein.
- , Marsilius von Riffenberg.
- " Phillips von Landawe.
- " Henrich Bromsser.
- " Her Heinrich von Nassauwe.
- " Johann von Libenstein.
- Johann von Helffenstein.
- " Vincentius von Schwanberg.
- " Conraidt von Ufflen.
  - , Phillips vonn Cronberg, Herrn Hansen sone.

(Aussen: Was ufem torner 22) zu Mentz ufgangen.)

Voranschlag was mann vonn profiande zum Torner zu Mentze haben müsse, ungeverlich angeschlagenn uff II c. menschen uff achttage vor bede myn gnedigenn junckernn.

Item X fuder wyns halbteyle.

- , 8 fuder biers konigsteynn.
- " 11/2 ome malvisir konigstein.
- " VIII gulden vor gebacken krüt konigsteyn.
- " XII gulden vor würze und zucker, rosin etc. konigsteyn.
- " lxx achtel korns oder mels halbteyle.
- " XXIIII achtel weisss halbteyle.
- " II c. achtel haffern ungeverlich zu II c. pferden halbteyle.
- " II ochsen konigsteyn und VI kuwe oder ander rynder Westerburg.
- XXX Heymel Westerburg.
- " VIII kelber konigsteyn.
- " V gulden vor gense Westerburg.

<sup>&</sup>lt;sup>22)</sup> Nach Rüxner, Blatt 187, das 29. allgemeine Turnier, gehalten Sonntag nach Bartholomä 1480. Die genannten Junker sind Philipp von Eppstein, Herr zu Königstein und Bernhardt, Graf von Leiningen, Herr zu Westerburg. — Es waren viele von den in der vorigen Urkunde genannten Personen dabei.

Item III c. honer alte und junge konigstevn.

11/2 zentener mandeln Westerburg.

Risse, item tresenye königstevn.

II zentener buttern

i zentner specks konigstein.

II m. eyer ungeverlich uff IV gulden, Westerburg.

IV gulden for fladen, Mentze.

XXX gulden ungeverlich für grüne fischwergk Königstein. 11/2 stucke stagkfische, II zale plattisenn Königstevn

8 zentner wachs Königstevn.

II zentner unslet

mylche zwobeln, zu mentze.

III Pfd. husenblasen Königstein.

Item an Wiltpret iglicher Herre.

Item huserzinsse.

Stallmydde.

schenckgelt.

biern und kese zu Mentze.

Holtze, hauwe, strohe, koln. Königstein.

koche von bevdn herrn junckern.

2.

## Ueber Simplicius Simplicissimus.

Von K. Chr. Becker.

Veranlasst durch eine schätzbare Abhandlung von Otto Roquette über den berühmten Roman des 17. Jahrhunderts, Simplicius Simplicissimus, 1) verschaffte ich mir zunächst die für gebildete Leser unserer Zeit bearbeitete Ausgabe dieses Romans durch Eduard von Bülow, 2) welcher aber nur die 5 ersten Bücher desselben gibt und an der Aechtheit des sechsten zweifelt; alsdann die Bibliothek des literarischen Vereins zu Stuttgart, welche im 33. und 34. Band den Abdruck der Originalausgaben des Simplicius mit sorgfältiger Kritik des Textes von A. Keller, sammt dem sechsten Buch und den sogenannten

<sup>1)</sup> Westermanns illustrirte deutsche Monatshefte, Band 7, Seite